

重修天津府志卷二十三

考十四

輿地五

城鄉

府城圖說

城垣九里十三步高三丈五尺開設四門門上建

樓前志明永樂二年工部尙書黃福平江伯陳瑄都

指揮陳遠築

按衛志都指揮僉事凌雲同知黃綱築陳遠用磚包砌

宏治間

副使劉福瑛以磚石廣二丈五尺

明李東陽修城記天津及左右

三衛其地曰直沽沽云者小水入海之名也蓋禹貢冀州之域在天文爲箕尾之分勝國以前實海濱荒地然潞衛二河南北相接以入於海胥此焉我朝太宗文皇帝兵下滄州始立茲衛命工部尙

書黃公福平江伯陳瑄築城浚池立爲今名則象
車駕所渡處也衛旣武置無州縣承平之餘故習
未改則肆爲強戾訟獄繁起越愬京師者殆無虛
月往來舟楫夫役之費不統於一下上病之朝廷
乃用議者特置山東按察副使一人專督兵備而
凡城池兵馬詞訟盜賊之事皆隸之於時西蜀劉
君實膺是選承敕以行君至則謂城池最重宜亟
爲之處顧乏帑積勢不可猝辦累歲而計每事而
處徐而圖之城爲高幾而扁之隅方而準平又構
樓於門曰鎮東曰定南曰安西曰拱北皆踰尋累
尺平望俯瞰迥出塵垢而北樓尤絕特相倍往來
命使及大夫士之有事於是者登眺之際神竦心
暢瞻宮闕之尊崇覽畿甸之高曠周諏隱幽則囂
閤不生詢察吏治則糾紛不作於斯城也可以觀
政矣夫城之爲制實取諸設險守國之義其來尙
矣是必預制於平居無事之日乃可以保治於無
窮顧凡有民社兵馬之寄者不加之意日頽月廢
無復有經久制遠之具固識者所不能忽也矧畿
輔之近喉襟之要擁重兵置羣士而無以控制統
馭之其可哉且鈞是地也鈞是政也匪人以理之

則治效不著然則天津之治亦豈可誣也哉予又聞劉君積財穀籍丁戶第差役其所爲役治廟學備祭器闢射圃立教場及諸祠宇工局類皆就緒而城池尤重是其始末不可以不紀也天下之事成於前必繼於後乃可以久存而不壞今廢之久而修之難如此則繼是以往惡可以不之慎哉予嘗以使命夜道天津見土城頽圯兵士傳遞者越堞而行若履平地心甚訝之感茲役之獲成也故因諸衛戎官之請爲之記劉君福字順夫成化己丑進士歷刑部員外郎雲南按察僉事陝西副使改今至萬歷十四年寢壞天津道副使王來貴重職云

修

國朝順治十年大水滄城坍塌二面總兵甘應祥副使梁應元重修康熙十三年總鎮趙良棟因城樓內藏火藥深爲不便令民居逼近城墻者盡行拆

三
卷之三
城
毀離城三丈改築乃濬四面城濠永禁填塞城東

南角石閘一座引海河潮水週城四面由南城水

門入城水門上有引汲受福四字

石閘歲久坍塌乾隆二年知府

程鳳文重修以時
啟閉碑記附後

雍正三年城濠皆壞巡鹽御史

莽鵠立題請商人安尙義安岐父子情願捐修奉

旨俞允仍令同城官實心幫助就舊基築城濬濠城周圍

一千六百二十六丈六尺垣高一丈九尺八寸垛

高四尺二寸共高二丈四尺基廣三丈二尺上廣

一丈九尺共計垛一千四百五十有四

東西長五百零四丈

計二里八分南北長三百一十五丈計一里八分周圍九里二分

東去海河二百

二十步北抵衛河二百步舊城四門有樓舊額曰
鎮東曰定南曰安西曰拱北康熙十三年改曰東
連滄海南達江淮西引太行北拱神京四角有樓
其東南角樓卽魁星樓也新城四門東曰鎮海南
曰歸極北曰帶河西門奉

旨賜名衛安乾隆十一年運司飭蘆商捐銀修理乾隆十

七年運司飭蘆商捐銀修理乾隆二十四年總督

飭蘆商捐銀修理乾隆二十九年總督發查茂德

罰項修理乾隆三十一年總督飭天津縣以辦差

餘銀修理乾隆三十九年總督發銀修理乾隆四

十九年總督發銀修理乾隆五十五年總督發銀修理嘉慶六年河水漲發浸漫城根城東西北三面坍塌長數丈十餘丈至數十丈不等西南西北

兩角樓亦傾圯裂總督奏請修理

前志參縣志錢陳羣修


開記自古土功之興有城必有池所以限封疆通宣蓄資灌汲利往來也周公成洛邑鑿陽渠以周四面而秦漢以來千金五龍之號富民利人之名史不乏書代著其烈此亦見水之爲利溥而廢興之閒事甚巨也天津爲九河下流北地澤國城東北二面臨大河餘二面無水舊於城側開護城小河一道而於城東南角開水門一以引河水又於城下東西鑿水門二引水入城各立閘司啟閉康熙十三年因廢重修廣袤深淺不改其舊數十年來木朽石傾閘不能制水一時權宜槩行堵塞而護城河從此遂淤太守程公以清德令望來守此邦先是郡之士民以護城河閘請於前守李公甫

營浚築旋遷官去至是復請於公公曰是不可以不修遂屬工與事親督畚鍤旬月而事竣清流洋溢左環右繞儼乎金湯之固矣且夫閘之設也非美觀也蓋有六利焉畿南之水泛溢無時有閘則按期啟閉近城左右永無水患其利一也城內溝瀆之水壅滯無歸有閘則積水可流積穢可泄其利二也斥鹵之地素無甘井居民飲食皆遠汲河水有閘則清泉日注養殖是資其利三也城南鹹地必藉清水灌溉有閘則溝澮宣通磽确之地皆成肥壤其利四也居民夜作例不禁火曲突徙薪備預宜早有閘則一旦失火即可挽水以撲滅其利五也有大河以繞其東北有小河以環其西南大河總其干小河分其支脈絡周通土風清美坐使形勝日尊都邑日盛其利六也夫爲民興事捐已有以開百年之利賢大夫之事也述舊章修故典垂茂績於來茲廣前猷於不替亦後世有民社者之則也爰爲之記以爲來者法焉

重刊



下接城圖



外郭圖說

咸豐十年統兵大臣親王僧格林沁築建濠牆距
城里餘至五六里不等營門凡十一東沈家莊東
北錦衣衛橋密窪北玉皇廟西北佟家樓教軍場
西岸善慶菴三官廟南海光寺東南梁家園

行宮圍長共三十六里濠如之同治七年春捻匪北
竄

畿南各州縣多遭蹂躪

上命通商大臣兵部侍郎崇厚督辦津郡海防軍務以
津郡無險可扼賊勢飄忽必先限其奔突以頓之

於是修牆濬濠親臨督催剋期完竣於各垛口排列擡鎗礮車凡守禦之具無不精備迨四月初賊大股長驅回竄勢將直撲郡城時兵力單援軍未集幸有濠牆足資固守賊偵知防禦嚴不敢逼麇聚於南鄉之八里臺一帶疊次衝撲不能犯郡城賴以安堵眾始知濠牆足恃而服修濬之先見焉賊退後請帑加高培厚濠又濬而深之從此郡城

固於金湯矣

縣志

蔡啟盛案此俗稱圍牆昔僧邱涖津籌防見郡城不可一日居守決計加築外郭非常之舉不無遷動墳墓怨聲沸騰以親藩大帥之威力僅克成之而於當時軍務又未有濟直待以後禦捻見功始

得反怨爲恩縣志記之固可使後人知其關係極重必不可任有殘闕然抹卻朔始而歸功於修者則輕重倒置之特甚也言十一門亦誤實爲十四各有俗稱顯於正名自正東曰寅賓而南直沽曰朝宗梁園曰凝暉西南曰厚德此門正俗俱誤應是俗呼小南誤爲西南而命名者遂以爲坤維也正南曰來薰正西曰西成小西曰三慶西北曰順軌又有曰保衛者獨無俗名蓋鮮行者故也小北曰綏豐正北曰拱辰隄上曰翊運東北曰建魁山海曰鎮遠仍近正東矣

郭

每方
一里

圖


一


河成

王廟

山
海門







河牙子

郭圖四

小下莊

趙莊

大下莊

侯家莊

大覺庵

大園

小新莊

小稍直口

小園

孟莊

觀興

觀興

河橋正

河橋正

南運河

李家墳



